


三十九



杜氏通典卷第一百五十四

增入宋儒議論

唐京兆杜佑君卿纂明御史後學李元陽仁甫校刊

兵法七

佯敗引退取之

偽稱敗怠敵取之

引退設伏取之

聲言退誘敵破之

引退設伏潛兵襲其營

設伏引敵鬪襲其營

示退乘懈掩襲

敵退追奔

縱敵退於歸路設伏取之

兵機務速

掩襲

甘言厚幣乘懈襲之

孫子曰佯北勿從北奔走也敵方戰形勢未衰便奔走而陣兵者必有奇伏

勿深入從之故太公曰夫出甲陣兵從卒亂所以多為變

佯敗引退取之

春秋時晉楚戰于城濮楚將子玉從晉師晉師陣于莘北胥臣以下軍之佐當陳蔡子玉以若敖之六卒將中軍曰今日必無晉矣鬬宜申將左鬬勃將右晉裨將胥臣蒙馬以虎皮先犯陳蔡陳蔡奔楚右師潰陳蔡屬楚右師狐毛設二旂而退旂大旗也又建一旂而退使若大將稍卻者欒枝使輿曳柴而偽

曳柴起塵楚師馳之原軫卻溱測中以中軍

公族橫擊之公族公所狐毛狐偃以上軍夾攻

之楚左師潰楚師敗績子玉收其卒而止故不

敗晉師三日館穀館舍也食楚軍穀三日○春秋時楚將

鬬廉帥師及巴師圍鄆鄆將養甥聃帥師救

鄆三逐巴師不尅鬬廉衡陣其師於巴師之中

以戰而北衡橫也分巴師為二部鬬廉衡陣於其門以與鄆師戰而偽北北走也

鄆人逐之背巴師而夾攻之楚師偽走鄆師逐之楚師自戰鄆師大敗鄆人宵潰宵夜戰國秦師伐

趙趙以趙奢之子代廉頗為將拒秦將王齧恨

反於長平秦王聞之乃陰使武安君白起爲上將軍而王齧爲裨將軍令軍中有敢洩武安君者斬馬服子至則出兵擊秦軍秦軍佯敗而走張二奇兵以劫之趙軍逐勝追造秦壁堅拒不得入而秦奇兵二萬五千人絕趙軍後又一軍五千騎絕趙壁間趙軍分而爲二糧道絕而秦出輕兵擊之趙戰不利因築堅壁守以待救至秦王聞趙食道絕王自之河內賜民爵各一級發年十五以上悉詣長平遮絕趙救及糧食至九月趙卒不得食四十六日皆內陰自殺食來

攻秦壘欲出爲四隊四伍復之不能出其時馬服子與銳卒自搏戰秦軍射殺之軍大敗卒二十餘萬人降皆坑之○漢王與諸侯兵共擊項羽決勝垓下韓信將三十萬自當之孔將軍當左費將軍當右漢王後絳侯柴將軍在漢王後項羽之卒可十萬韓信先合不利孔將軍費將軍縱楚兵退信復乘之大敗垓下○後漢初馮異與鄧禹率車騎將軍鄧弘等議攻赤眉異曰賊餘尚衆當可稍以恩信傾難以卒用兵破也上今使諸將屯滎池要其東而異擊其西一舉

取之此萬成計也禹弘不從弘遂大戰移日赤
眉佯敗棄輜重走車皆戴土以豆覆其上兵士
饑爭取之赤眉引還擊弘弘軍潰亂異與禹合
兵救之赤眉少却異以士卒饑倦可且休禹不
聽復戰大爲所敗○東晉末齊神武薨子澄立
侯景叛歸梁而圍彭城澄遣慕容紹宗討之將
戰紹宗以梁人剽悍恐其衆之撓也一一引將
卒而誑之曰我當佯退誘梁人使前汝可擊其
背申明誠之景又命梁人曰逐北勿過二里會
戰紹宗實敗走梁人不用景言乘敗深入魏人

以紹宗之言爲信爭襲擊遂大敗之○西魏末
遣將史寧與突厥木汗可汗同伐吐谷渾俱會
於青海寧謂木汗曰樹敦賀真二城是吐谷渾
巢穴今若拔其本根餘種自然離散乃上策也
木汗從之卽分爲兩軍木汗從北道向賀真寧
趣樹敦吐谷渾婆周王率衆逆寧寧擊之踰山
履險遂至樹敦卽吐谷渾之舊都多諸珍藏而
其王先已奔賀真留其征南王及數千人固守
寧進兵攻之僞退吐谷渾人果開門逐之因迴
兵奮擊門未及闔寧兵遂得入生獲其征南王

俘虜男女財寶盡歸諸突厥

偽稱敗息敵取之

隋末楊玄感反攻東都刑部尚書衛玄與玄感戰兵始會玄感詐令人大呼曰官軍已得玄感矣官軍稍息玄感與數千騎乘之玄兵由是大潰引退設伏取之

春秋時北戎侵鄭鄭伯禦之曰彼徒我車懼其侵軼我也徒步兵也公子突曰使勇而無剛者嘗試也勇則能擊寇而速去之往無剛不馳退覆以待之覆伏兵也我輕而不整貪而無親勝不相讓敗不相救先

者見獲必務進進而遇覆必速奔後者不救則

無繼矣從之戎人之前遇覆者奔鄭將祝聃逐

之衷戎師前後擊之盡殪殪於計反死也衷竹仲反○為三部伏兵

祝聃帥勇而無剛者先犯戎而速奔以遇三伏兵至後伏兵起戎還走祝聃逐之戎前後及

中三處受敵故曰衷戎師 ○春秋時吳侵楚楚將養由基奔

命楚司馬子庚以師繼之養由基曰吳乘我喪

謂我不能師也必易我而不戒戒子為三覆以

待我我請誘之子庚從之戰于庸浦楚地大敗吳

師 ○後漢末荊州牧劉表遣劉備北侵至鄴曹

公遣將李典與夏侯惇拒之備一旦燒屯去惇

率諸軍追擊之典曰賊無故退疑必有伏南道
窄狹草木深不可追也惇不聽與將于禁追之
典留守惇等果入賊裏戰不利典往救備觀見
救至乃退○十六國後趙將石季龍攻晉將劉
演于廩丘晉將郗續使文鴛救演季龍退止盧關津
以避之文鴛弗能追屯于景亭兖州豪右張平
等起兵救演季龍夜棄營設伏于外揚聲將歸
河北張平以爲信然入于空營季龍迴擊敗之
遂陷廩丘○十六國夏赫連勃勃屯依力用後
秦姚興來伐至三城勃勃率騎禦之興遣其將

姚文宗拒戰勃勃僞退伏以待之興將姚掄生
等追伏兵夾擊皆擒之○後魏萬俟醜奴作亂
關中魏將賀拔岳率兵討之岳以輕騎八百北
渡渭殺掠其民以挑之醜奴大將尉遲菩薩果
率步騎三萬至渭北岳以輕騎數千與菩薩隔
水交言岳稱揚國威菩薩自言強盛往復數返
時已逼暮於是各還岳密於渭南傍水分精騎
數十爲一處隨地形便置之明日自將百餘騎
隔水與賊相見岳漸前進先所置騎隨岳而集
騎旣漸增賊不復測其多少行二十許里至水

淺可濟之處兵便騎馬東出以奔遁賊謂岳走
乃棄步兵南渡渭水輕騎追岳東行十餘里依
橫崗設伏兵待之賊以路險不得齊進前後繼
至半度崗東兵乃迴與賊戰身先士卒急擊之
賊便退走岳號令所部賊下馬皆不聽殺賊顧
見之便悉投馬俄而虜獲三千人馬亦無遺遂
擒菩薩仍渡渭北卒萬餘○大唐武德中太宗
圍王世充於東都竇建德自河北率兵十二萬來
救太宗自率騎二千五百步卒千人趣武牢四
月建德自滎陽西上策壘千坂渚太宗以五百

騎出武牢東二十餘里將挑戰先伏李勣程咬

金秦叔寶

齒五巧反

令尉遲敬德執稍建德壘下大

呼致師賊衆大驚撓出兵數千騎太宗逡巡漸
却遂引賊以入伏內李勣等奮擊大破之獲其
大將殷秋石瓚

昨旱反

斬首數百級

聲言退誘敵破之

後漢西域莎車國王不供將兵長史班超發于
闐踈勒諸國二萬五千人擊之莎車求救龜茲
王遣將發溫宿姑墨尉頭合五萬人助之超召
諸相及于闐踈勒王議曰兵少不敵莫如各解

散去于闐從此東歸長史亦從此西歸夜半聞鼓聲便發衆皆以爲然乃陰緩所擒得生口歸以超言告龜茲王聞之喜使其將以萬騎於西界遮超溫宿王將八千騎於東界遮于闐王人定後超密令諸司馬勒兵至鷄鳴馳赴莎車軍營掩覆之胡皆驚走斬首五千級莎車遂降○十六國後涼呂光遣將呂延伐西秦乞伏乾歸大敗之乾歸因泣歎曰死中復生正在今日也乃縱反間稱乾歸東奔成紀呂延信之引師輕進延司馬耿雅諫曰乾歸雄勇過人權略難測

被王廣剋楊定皆羸師以誘之雖敢爾小國左

外亦不可輕也困獸猶鬪况乾歸而可覩風自

散乎今宜部陣而前部騎相樓徐俟諸軍大集

可以一舉滅之延不從戰敗死○十六國北涼

沮渠蒙遜伐西京李士業於酒泉先攻浩音豐

有盤於帳前蒙遜笑曰太乙爲騰蛇今盤在吾帳

前天意欲吾迴師燒攻具而還次于川巖間李

士業徵兵欲攻張掖蒙遜曰入吾計矣但恐聞

吾迴軍不敢前也兵事尚權乃露布西境稱得

浩豐將進軍士業聞而大悅進入都瀆澗蒙遜

潛軍逆之敗士業于懷城遂進克酒泉○東晉末妖賊孫恩北出海鹽宋武帝爲將築城于海鹽賊日來攻城城內兵力甚弱宋武獨深慮之一夜偃旗匿衆若已遁者明旦開門使羸疾數人登城賊遙問宋武所在曰夜已走矣信之乃率衆大上宋武乘其懈怠奮擊大破之○後魏大武征夏赫連昌於統萬城師次城下收衆僞退昌鼓譟而前會有風雨從東來沙塵昏冥宦者趙兒進曰今風雨從賊後來我向彼背天不助人將士饑渴願陛下避之更待後日崔浩曰

是何言歟千日制勝一日之中豈得變易賊前行不止後已離絕宜分軍隱出掩擊不意風道在人豈有常也帝從之分騎奮擊昌軍大潰

引退設伏潛兵襲其營

漢王遣將韓信擊趙趙師拒于井陘信與趙軍戰良久棄旗鼓走趙空壁逐信信先遣奇兵二千騎持漢赤幟從間道依山潛伏候趙壁空馳入乃拔趙幟立漢幟二千趙軍旣攻信不克歸營見之遂驚潰走○隋末羣盜起隋將張須陁擊盧明月於下邳賊連營十萬須陁率萬人勢

力不敵去賊六七里地立柵相持經十餘日糧
盡將退謂將士曰賊見兵却必輕來追我其衆
若出營內卽虛欲以千人襲營可有大利此誠
危險誰能去者人皆莫對唯叔寶與羅士信皆
曰願行於是須陀委柵而遁使二人分領千兵
潛伏於草莽旣而明月悉兵追之叔寶士信馳
至其柵柵門閉不得入二人超昇其樓拔賊幟
各殺數人營中大亂叔寶斬關而納外兵因散
縱火焚其三十餘柵煙焰漲天明月奔還須陀
却逐之大破賊衆明月以數百騎遁去餘皆虜

之

設伏引敵鬪襲其營

隋末李密擊宇文化及精兵良將多有死傷
充在東都乘其弊而擊之率步騎三萬營於洛
南李密軍於偃師世充潛遣二百騎夜伏於邙
山自統其衆遲明度水人奔馬馳以襲密營遽
出兵以拒之陣未成兩軍以合伏兵於北山中
乘高而下馳入密營燒其廬舍密見營中火發
因而遁走

示退乘懈掩襲

後漢末曹公征張魯至陽平張魯使弟衛據陽平關橫山築城十餘里攻之不拔乃引軍還賊見大軍退其守備懈公乃密遣驍將等乘險夜襲大破之○後魏將慕容白曜南征宋以酈範爲副師次無鹽宋將申纂憑城拒守議者僉以攻具未周不宜便進範曰今輕軍遠襲深入敵境無宜掩留久稽機候且纂必以我軍來速不在攻守謂方城可憑弱卒可恃今若外潛威形內整戎旅密勵將士出其不意可一攻而克之白曜遂潛軍僞退示以不攻纂果不設備於是

卽夜部分晨便騰城崇朝而剋○後魏末幽州刺史劉靈助以莊帝被爾朱兆所弒遂舉兵倡義諸州豪右咸相通結靈助進屯於定州之安國魏遣將叱列延慶討之諸將謂延慶曰靈助善於卜占百姓信感所在響應未可易圖若萬一戰有利鈍則大事去矣未若還師西入據關拒險以待其變延慶曰劉靈助庸人也天道深遠豈其所識大兵一臨且彼皆恃其妖術坐看符厭寧肯戮力致死與吾爭勝負哉如吾計者正欲出營城外詭言西歸靈助聞之必信而自

寬潛軍往襲可一舉而擒乃出頓城西聲云將
還簡精騎一千夜發詰朝造靈助壘戰於城北
遂破擒之○西魏末宕昌羗獠甘作亂逐其王
彌定魏遣將史寧討破之甘將百騎走投生羗
鞏廉王彌定遂得復位寧以未獲獠甘密欲圖
之乃揚聲欲還甘聞之復招引叛羗依山起柵
欲攻彌定寧謂諸將曰此羗入吾術中當進兵
擒之耳諸將思歸咸曰羌之聚散無常依據山
谷若今追討恐引入吾城且彌定還得守藩將
軍功已立矣獠甘勢弱定能制之以此還軍策

之上者寧曰一日縱敵數世之患豈可捨垂滅
之寇更煩再舉人臣之禮知無不爲此觀諸君
不足與計事也如更沮衆寧豈不能斬邪遂進
軍獠甘衆亦至與戰大破之生獲獠甘并獲鞏
廉王○隋遂州獠反隋將周法尚討之軍將至
賊棄州城走散山谷間法尚捕不能得於是遣
使慰喻假以官號僞班師自行二十里軍再舍
潛遣人覘之知其首領盡聚飲相賀法尚選步
騎數千人襲擊破之

敵退追奔

後漢末曹公征張繡於穰一朝引軍退繡自追之賈詡謂繡曰不可追必敗繡不從大敗而還詡謂繡曰更追之必勝繡曰不用公之言至於此今已敗奈何復追詡曰兵勢有變亟亟紀往必利繡信之遂收散卒赴追戰果以勝還問詡曰繡以精兵追退軍而公曰必敗及以敗卒擊勝兵而公曰必勝悉如公言何其皆驗詡曰此易知耳將軍雖善用兵非曹公敵也軍新退曹公必自繼後追兵雖精兵既不敵彼士亦銳故知必敗曹攻將軍無失策力未盡而退必國內

有故已破將軍必輕車速進留諸將繼後諸將雖勇亦非將軍敵故雖用敗兵而戰必勝也繡大服○後周大將晉公護東伐高齊遣將尉遲迴圖洛陽為敵所敗周將達奚武與齊王憲於邙山禦之至夜收軍憲欲待明更戰武欲還固爭未決武曰洛陽軍敗人情駭動若不因夜速還明日欲歸不得武在軍旅久矣備見形勢大王少年未經軍事豈可將數營七眾一旦棄之乎憲從之遂全軍而返齊人不慢布○大唐魏公李靖兵法曰諸戰銳等隊打賊敗其駐隊隊

別量抽驍健二十人逐北其輜重隊遙叫作聲
 援不得輒動跳盪隊奇兵隊趁賊退不得過百
 步如審知賊徒敗散仍須取機追逐

縱賊退於歸路設伏取之

孫子曰激水之疾至於漂石者勢也言水性柔

皆出急疾之流激得其勢下鷲鳥之疾至於毀言石性剛

折者節也所發起計敵如鷹鷄之所攫撮也必挫

爭其節也三子曰鷹準一擊百鳥無以明邀得屈折

言勝負之道自圖於中不求之下責怒師不責於人

衆強使力進也若素穆悔過不替孟明也故能
 擇人而任勢也人任已之形勢也勢者其戰

人也如轉木石木石之性安則靜危則動言投

地則安投之危地則方則止圓則行任勢自然

危不知有所迴避也形由兵勝故戰人之勢如轉圓石於千仞之山

負之形者勢也言形勢是以善戰者其勢險險猶其節

短能因危取勝以遠擊近如曠弩節如發機在

內不遠發則中曠張也言形勢之曠如弩之張

奔擊之易如機之發也故太公曰擊之如發機

以所及然用兵之法莫難於軍爭從始受命至

難也軍門謂之和門兩軍對爭交門而止先軍

爭之難者以迂為直以患為利示亦遠近其道
 故迂其塗示之而誘之以利從遠道敵至於應

從其近皆得敵情詐之以利後人發先人至明於度數先此

先知迂直之計者也是以軍爭為利眾爭為危

善者則以得利不善者則以危也言兩軍舉軍

而爭利則不逮其利則道舉軍悉行爭赴是故

卷甲而趨利則日夜不處行不倍道兼行百里

而爭利則擒三將軍若慮上二事欲行速疾卷

其情邀而擊之則三軍之將為敵所勁者先罷

者後其法十而一至擒也強弱不伏相待率十

也有一人至軍五十里而爭利則蹙上將軍其法

以半至蹙猶控也前軍三十里而爭利則三分

之二至道至近者多故無死敗古者用師日行

至以是知軍爭之難○高齊將段韶與左丞相

斛律光率師伐後周五月攻服周人於姚襄城

南更起城鎮東接定陽又作深塹斷絕行道韶

乃密抽壯士從北襲之又遣潛渡河告姚襄城

中令內外相應渡者千有餘人周人始覺於是

合戰大破之諸將咸欲攻其新城韶曰此城一

面阻河三面地險不可攻就令得之一城地耳

不如更作一城壅其要路破服秦城併加力以

圖定陽計之長者將士咸以為然遂圖定陽其

圖定陽計之長者將士咸以為然遂圖定陽其

圖定陽計之長者將士咸以為然遂圖定陽其

圖定陽計之長者將士咸以為然遂圖定陽其

城主楊範固守不下韶登山以觀城勢乃縱兵
急攻之七月屠其外城韶謂光曰此城三面重
澗險阻並無走路唯慮東南一處耳賊若突圍
必從此出但簡精兵專守自是成擒光乃令壯
士千餘人設伏於東南澗口其夜果如其策賊
遂出城伏兵擊之大潰範等面縛盡獲其衆

兵機務速

後漢末荀攸從曹公征口布至下邳布敗固守
攻之不拔連戰士卒疲曲曰公欲還攸與郭嘉說
公曰呂布勇而無謀今二戰皆北其銳氣衰三

軍以將爲主主衰則軍無奮志且布之謀主陳
宮有志而遲今及布氣之未復宮謀之未定進
急攻之布可拔也乃引沂泗水灌城潰生擒布
○蜀將諸葛亮伐魏魏將司馬宣王郭淮等禦
亮張郃勸宣王分軍往雍郃音爲後鎮宣王曰
料前軍獨能當之者將軍言是也若不能當而
分爲前後此楚之三軍所以爲黥布擒也遂進
軍喻麋亮聞大軍且至乃自帥衆將芟上邳古
反之麥諸將皆懼宣王曰亮慮多決少安營自
固然後芟麥吾得二日兼行足矣於是卷甲晨

夜赴之亮覩塵而遁宣王曰吾倍道疲勞此曉
兵者之所忌也亮不敢據渭水此易與耳進次
漢陽與亮相拒宣王列陣以待之使將牛金輕
騎創之兵纔接而亮退○蜀將孟達之降魏也
魏朝以達領折城太守假節達於是連吳因蜀
潛圖中國謀洩將舉兵司馬宣秉政恐達速發
以書安之給音殆達達得書猶豫不決宣王乃潛
軍進討諸將皆言達與二賊交構宜審察而後
動宣王曰達無信義此其相疑之時也當及其
未定往決之乃倍道兼行八日到其城下吳蜀

各遣其將向西城安橋木蘭寨以救達宣王分
諸將以拒之初達與諸葛亮書曰宛去洛八百
里去吳千二百里聞吾舉事當表上天子比相
反復一月間也則吾城已固諸軍足辦所在深
險司馬公必不自來諸將來吾無患矣及兵到
達又告亮曰吾舉事八日而兵至城下何其神
速也上庸城三面阻水達於城外爲水柵以自
固宣王度水破其柵直造城下八道攻之旬有
六日達甥劉賢將李輔等開門出降遂斬達○
十六國後秦姚萇與苻登相持萇將荀曜據逆

萬堡密引符登萇與登戰敗於馬頭原收衆復戰姚碩德謂諸將曰上慎於輕戰每欲以計取之今戰旣失利而更逼賊必有由也萇聞而謂碩德曰登用兵遲緩不識虛實今輕兵直進逕據吾東必苟矐豎子與之連結也事久變成其禍難測所以速戰者欲使豎子謀之未就好之未深散敗其事耳果大破之○姚萇與符登相持未解登將魏褐飛自稱大將軍衝天王率互湖萬人攻萇將姚當於杏城萇將雷惡地叛應褐飛攻萇將姚漢得於李潤萇議將討之羣臣

咸曰陛下不憂六十里符登乃憂六十里褐飛萇曰登非可卒殄吾城亦非登所能卒圖惡地多智非常人也南引褐飛東結董咸甘言美說以成奸謀若得杏城李潤惡地據控制遠近相爲羽翼長安東北非復吾有於是潛軍赴之萇時衆不滿二千褐飛惡地衆至數萬互湖赴之者首尾不絕萇每見一軍至輒有喜色羣下恠而問之萇曰今同惡相濟皆來會集吾得乘勝席卷一舉而覆其巢穴東北無復餘也褐飛等以萇兵少盡數來攻萇固壘不戰示以弱潛遣

子崇率騎數百出其不意以乘其後褐飛兵擾亂長遣將王超等率步騎擊之褐飛衆大潰斬褐飛惡地請降長待之如初○東魏荊州刺史辛纂據穰城西魏將楊忠從獨孤信討之纂迎戰敗走信令忠爲前驅馳至其城叱門者曰今大軍已至城中有應爾等求活何不避走門者盡散忠乘城而入彎弓大呼纂兵衛百餘人莫之敢禦遂斬纂以徇城中懾伏○隋末高祖義師發太原次靈石縣賈胡堡隋將宋老生率精兵二萬屯霍邑以拒之會久雨糧盡與長史裴

寂及諸將議曰宋老生頓霍邑屈突通鎮河東二人同心非造次可進欲且還太原以圖後舉太宗曰本興大義以救蒼生當須先入咸陽號令天下今遇小敵便卽班師將恐義徒一朝解體還守太原一城之地此爲賊爾何以自全高宗乃止太宗引師赴霍邑遂平老生○大唐武德中太宗征薛仁果其將宋羅喉來拒大破於淺水原因率左右二十餘騎追奔直趣折思曆反塢乏怒反以乘之仁果列陣城下太宗據涇水以臨賊賊徒氣阻無敢進戰其驍將渾翰等數人

臨陣來降請還取馬太宗縱遣之於是各乘良馬須臾並至仁杲大懼嬰城自守太宗俱知賊中虛實將夕大軍繼至四面合圍因縱辯士諭以禍福未遇遂開門降既而諸將奉賀因問曰始大王野戰破賊其主尚保堅城王無攻具輕騎騰逐不待步兵徑薄城下咸疑不尅而竟下之何也太宗曰此以權道追之使其計不暇以發故尅也羅喉恃往前之勝兼復養銳日久見吾不出意在相輕今喜吾出悉來戰吾雖破之擒殺蓋少若不急躡遠走投城仁杲收而撫之

則便未可盡矣且其兵衆皆隴西人一敗被追不及迴顧散歸隴外則折塢自虛我君隨而追之所以懼而降也此可謂成算諸君盡不及也○武太后初徐敬業舉兵於江都稱匡復皇家以盤屋尉魏思溫爲謀主問計於思溫對曰明公旣以太后幽繫少主志在匡復兵貴拙速但宜早度淮北親率大衆直入東都山東將士知公有勤王之舉必以死從此則指日刻期天下必定敬業將從其策薛璋又說曰金陵之地王氣已見宜早應之兼有大江設險足可以自固

請且攻取常潤等州以爲王霸之業然後率兵北上鼓行而前此則退有所歸進無不利實爲良算也敬業以爲然乃自率兵四千人南渡以擊潤州思溫密謂杜求仁曰兵勢宜合不可分今敬業不知弁乃欲度淮率山東之衆以取洛陽必是無能成事命也可知敬業尋以悔之所以遂敗○衛公李靖兵法曰用兵上神戰貴其速簡練士卒申明號令曉其目以麾幟習其耳以鼓金嚴賞罰以誠之重芻豢以養之浚溝壑以防之指山川以導之召才能以任之述奇正

以教之如此則雖敵人有雷電之疾而我亦有所待也若兵無先備則不應卒卒不應則失於機失於機則後於事後於事則不制勝而軍覆矣故呂氏春秋云凡兵者欲急捷所以一決取勝不可久而用之矣或曰兵之情雖主速乘人之不及然敵將多謀戎卒欲輯令行禁止兵利甲堅氣銳而嚴力全而勁豈可速而犯之邪答曰若此則當卷迹藏聲蓄盈待竭避其鋒勢與之恃久安可犯之哉廉頗之拒白起守而不戰宣王之抗武侯抑而不進是也

掩襲

後漢末廬江太守劉勳理皖城今同安郡恃兵強士
勇橫於江淮之間無出其右者孫策惡之時已
有江右自領會稽太守使人卑辭厚幣而說之
曰海昏上繚宗人數欺下國患之有年矣擊之
路由不便幸因將軍神武而臨之繚國富廩實
吳女越姬充於後庭明珠大貝被於帑藏取之
可以資軍雖蜀郡城都金碧之府未能過也策
願舉敝邑躬率士衣十以爲外援勳然之劉曄諫
曰上繚雖小而城臨池深守之則易攻之則難

不可旬日而拔也且兵見疲於外而國虛於內
雖孫策多謀而用善兵乘虛襲我將何禦之而
將軍進屈於敵退無所歸音低羊觸藩羸力爲反
其角不能退不能進其在茲乎勳不從遂大興
師伐上繚其廬江果爲策所襲勳窮蹙遂奔于
曹公○後漢末袁紹將許攸降曹公言曰今袁
氏輜重有萬餘兩屯軍無嚴備今以輕兵襲之
不慮而至燔其積聚不過三日袁氏自敗曹公
喜選精銳步騎皆用袁氏軍旗幟銜枚縛馬口
夜從間道出入把束芟薪所歷道有問者曰何

之曰袁公恐曹操掠鈔後軍還兵以益備聞者
信以爲然皆自若既至圍屯大放火營中驚亂
大破之盡燔其糧穀寶貨紹故敗○後漢末蜀
將關羽遣糜芳守南郡羽領兵圍樊吳主遣將
呂蒙屯陸口蒙外假恩信厚與關羽結好羽多留
備兵南郡恐蒙有變蒙上疏曰羽討樊而多留
兵必恐蒙圍其後故也蒙常有病乞分衆還建
業以理病爲名羽聞之必徹備徐以大軍浙江
馳上襲其空虛則南郡可下而羽易擒耳吳江
然之蒙遂稱病而還建業羽果稍徹備而悉衆

赴樊城蒙發兵逆流而上伏甲於舟使更衣爲
商人以理征棹達曙兼行過羽所置屯卒輒縛
之羽遂大驚師次于南郡襲奪其城羽吏士攻
樊城未下聞城已陷而家屬無恙見待甚於平
時是後關兵稍稍而散羽竟爲吳師所擒荊州
遂平○東晉武帝秉政劉毅爲荊州刺史每多
異同之議裕率兵討之遣裨將王鎮惡先襲至
豫章口豫章口去江陵城二十里自鎮惡進路
揚聲劉蕃上先是毅稱病表請從弟兗州刺史
爲副毅謂爲信然不知見襲鎮惡自豫章口捨

船步上小將蒯恩軍在前鎮惡次之舸留一乙
士率之對舸岸上豎六七旗每旗下安一鼓語
所留人計我將至城便長嚴令後有大軍次又
分隊在後令燒江津船艦鎮惡逕前襲城語前
軍若有問者但云劉兗州至津戍及百姓皆言
劉蕃實上晏然不疑未至城五六里逢毅親將
朱顯之與十餘騎步從者數十欲出江津問是
何人答曰劉兗州至顯之馳前問蕃在所答云
在後顯之既至畢後不見蕃而見軍人擔彭排
戰具不入又遙見江津船艦已被焚燒煙焰漲

天而鼓嚴之聲甚盛知非蕃上便躍馬馳去皆
毅外有大軍似從下上垂已至城江津悉被火
燒矣行命閉諸城門鎮惡亦馳進軍人緣城得
入門猶未及下關因得大開城東門大城內毅
凡有八陣餘已得戒嚴蒯恩入東門便北迴擊
射堂前軍攻金城西門鎮惡入東門便直西擊
金城西門軍分攻金城內東從舊將士猶有六
隊千餘人食時就鬪至中晡西入退散及歸降
畧盡鎮惡入城便因放火燒大城南門及東門
金城內亦未信裕自來鎮惡至軍人與毅東來

將士或有是父兄弟中表親者鎮惡因命關
且共語衆並知劉裕自來人情離懈一更許廳
事前陣散潰毅左右兵猶閉東門閣拒賊鎮惡
慮暗夜自相傷犯乃引軍出統金城開其南面
以退毅慮南有伏兵三更中率左右三百餘人
開北門突出城於佛寺自縊死○大唐高宗遣
將薛仁貴郭待封等伐吐蕃大非川將進赴烏海
仁貴謂待封曰烏海險遠車行艱澁若引輜重
將失事機又破賊卽迴不煩轉運彼多瘴癘無
宜久留大非川嶺上寬平足堪置柵可留二萬

陳勝

人作兩柵輜重並留柵內吾等輕銳倍道掩其
未整卽撲滅之矣仁貴遂率衆先行至河口遇
賊擊破之斬獲甚衆收其牛羊萬餘頭

甘言厚幣乘懈襲之

東晉初石勒僞推奉晉幽州刺史王浚浚不疑
勒於是輕騎襲幽州以火宵行至易水浚督護
孫緯馳遣曰浚引軍拒勒浚將佐咸請出擊勒
浚怒曰石勒來正欲奉戴我也敢言擊者斬乃
命設饗以待之勒晨至蒯叱門者開門疑有伏
兵先驅牛畜數千頭聲言上禮實欲填諸街巷

天清

使兵不得發浚乃懼或坐成起勒入城升其廳
事命甲士執浚立之于前數其罪惡而誅之遂
陷幽州○梁末侯景反陷建業高州刺史李廷
仕據大皇圖逆召高梁太守馮寶寶欲往其妻
沈氏止之曰刺史無故不合召太守此詐君欲
爲反耳頃者京師危迫羽檄徵兵徧於郡縣刺
史稱疾不赴繕甲訓兵今已備矣而更召君往
必見留追君兵衆此意可知矣魚不可脫于前
泉願且勿行遣使譎之曰身疾篤請遣妻傳意
并送土物以省之彼聞喜必無防爲君取之如
反掌耳寶從之於是沈氏將千人皆藏短兵步
擔雜物唱言琛貨先書報廷仕曰太守馮寶疾
篤謹令妻沈氏傳啓并奉土貢以資軍費廷仕
大悅出迎沈氏因釋擔出刃大破之廷仕脫身
而遁沈氏入據其州盡收其衆

杜氏通典卷第一百五十四

杜氏通典卷第一百五十五 增入宋儒議論

唐京兆杜佑君卿纂 明御史後學李元陽仁甫校刊

兵法八

避銳

堅壁挫銳

敵饑以持久弊之

因敵三鼓氣衰敗之

致敵力疲夾攻敗之

陣久疲致敗

擊不備

堅壁持久候隙破之
不戰挫銳

出其不意

攻其不整

先設備而勝

孫子曰銳卒勿攻強而避之避其所長也彼府

則當謹避以待其虛欲少而逃之高壁壘勿與

以弱制強不可支也不若則能避之引兵備之強

軍自逃以匿其形故小敵之堅大敵之擒小不能當

相若則引軍而動故小敵之堅大敵之擒大也言小

國不量其力敢與大邦為仇雖權時堅城固守

然後必見擒獲春秋傳曰既不能強又不能弱

所以無邀正正之旗無擊堂堂之陣此理變者

也正正者整齊也堂堂者盛大之貌也正正者

孤特之象也言敵前有孤特之兵後有堂堂

之陣必有倚伏詐誘之謀審察是故朝氣銳晝

氣惰暮氣歸善田兵者避其銳氣擊其惰歸此

避銳

戰國魏武侯問吳起曰暴寇卒至掠吾田野取

吾牛馬則如之何起曰暴寇之來必精且強善

守勿應潛伏路傍暮去必醉朝乘重裝驍騎逐

擊勢必莫當過我伏內如雪逢湯○後漢末袁

尚據鄴率兵圍擊兄譚於南皮留蘇油審配守

曹公圍鄴尚還救鄴諸將皆以為此歸師人自

為戰不如避之公曰尚從大道來當避若循西

避其性謂銳之氣擊其懈惰欲歸此

氣再而衰三而竭

彼竭我盈故剋之

曹劌曰夫戰勇氣也一鼓作

氣再而衰三而竭

彼竭我盈故剋之

曹劌曰夫戰勇氣也一鼓作

氣再而衰三而竭

彼竭我盈故剋之

曹劌曰夫戰勇氣也一鼓作

山來者此爲成擒耳尚果循西山來臨益音水爲營夜遣兵犯圍公逆擊破走之城中崩潰○東晉宋末武帝伐南燕慕容超嶺南賊盧循徐道覆乘虛襲建鄴循多疑少決每欲以萬全爲慮謂道覆曰大軍未至晉吏部尚書孟昶便覲風自裁大勢言之自當計日潰亂今決勝負於一朝旣非必定之道自殺傷士卒不如案兵待之宋武奔還拒守宋武曰賊若新亭直上且當避之回泊蔡州乃成擒耳於是登石頭城以觀循軍初見引向新亭宋武顧左右失色旣而回

泊蔡州道覆猶日日欲上循禁之使羸老悉乘舟艦向白石步上乃率劉毅諸葛長民壯出拒之賊遂率衆數萬屯丹陽郡宋武率諸軍馳歸衆慮賊過江咸謂當逕還拒戰宋武乃先引軍還石頭衆莫之曉是日大熱三軍疲頹旣入城解兵息士洗浴飲食久之乃出列陣於南塘參軍褚叔度朱齡石率逕勇十餘人過淮賊數千皆張刀矛挺刃甲耀日奮躍爭進齡石所領多鮮卑善步稍並結陣以持之賊短兵弗能抗死傷者數百人乃退走

堅壁持久候隙破之

蜀先主率大衆東伐吳吳將陸遜拒之蜀主從建平連圍至夷陵界立數十屯以金帛爵賞誘動諸夷先遣將吳班以數千人於平地立營欲以挑戰諸將皆欲擊之遜曰備舉軍東下銳氣始盛且乘高守險難可卒攻攻之縱下猶難盡克若有不利損我大勢非小故也今但且獎勵將士廣施方畧以觀其變若此間則是平原廣野當恐有焱音標沛交馳之憂今緣山行軍勢不得展自當疲頹於木石之間徐制其弊耳畧知其計不行乃引伏兵八千人從谷中出遜曰所以不聽諸軍擊班者揣之必有巧故也諸將並曰攻備當在初今乃令入五六百里相銜持經七八月其諸要害已固守擊之必無利矣遜曰備是猾虜更嘗事多其軍始集思慮精專未可干也今往已久不得我便兵疲意沮計不復生倚角此寇正在今日乃攻一營不利遜曰吾已曉破之之術乃令各持一把茅以火攻破之俄爾勢成遂率諸軍同時俱擊破四十餘營備升馬鞍山陳兵自繞遜督率諸軍四面蹙之土崩

瓦解死者萬數備因夜遁

堅壁挫銳

春秋時晉將欒書伐楚將戰楚晨厭晉軍而陣

壓窄其軍吏患之裨將范丐音趨趨進曰塞井夷

竈陣於軍中而疏行戶郎首疏行首者當陣前

晉楚唯天所授何患焉書曰楚師輕窳土凋固

壘而待之三日必退退而擊之必獲勝焉終敗楚

師○秦將王翦率兵六十萬擊楚楚王悉國中

兵以拒之王翦至堅壁而守之不肯戰楚兵數

出挑戰終不出王翦日休士洗沐而善飲食拊

循之親與士卒同食久之王翦使人問軍中戲

乎對曰方投石超距於是王翦曰士卒可用矣

楚又數挑戰而秦不出乃引而東翦因舉兵追

之壯士擊大破楚軍鄆南因而滅其國○漢景

帝初吳王濞反總兵渡淮與楚戰遂敗棘壁乘

勝前銳其梁孝王恐遣六將軍擊吳又敗梁兩

將士卒皆還走梁數使使報漢大將周亞夫求

救亞夫不許又使使惡鳥路亞夫於帝帝使人

告之救梁亞夫復守便宜不行梁使韓安國及

楚死事相弟張羽為將軍楚相張尚弟乃得頗

諫吳王而死

乃得頗

敗吳兵吳兵欲西梁城守堅不敢西即走亞夫陳勝軍會下邑吳師欲戰亞夫堅壁不肯戰吳糧絕卒饑數挑戰遂死奔亞夫壁亞夫終不出軍中夜驚內相攻擾亂至帳下亞夫臥不起頃之復定吳士卒多饑死遂以叛散○後漢更始初光武在河北擊銅馬賊於鄴吳漢將突騎來會清陽賊數挑戰光武堅營自守有出鹵掠者輒擊取之鹵與虜同掠奪取之絕其糧道積月餘日賊食盡夜遁去追至館陶大破之受降未盡而高湖重連賊從東南來與銅馬餘衆合光武復與大戰於蒲

陽悉破降之○魏末吳將諸葛恪圍新城司馬景王使鎮東將軍毋丘儉揚州刺史文欽等拒之儉欽請戰景王曰恪卷甲深入投兵其地鋒未易當且新城小而固攻之未可拔遂命諸將高壘以蔽之相持數月恪攻城力屈死傷大半景王乃令欽督銳卒趣合榆斷要其歸路儉帥諸軍以爲後斷恪懼而遁欽逆擊之大破斬首萬餘級○十六國前趙劉曜遣將討互羌大酋權渠率衆保險阻曜將游子遠頻敗之權渠欲降其子伊餘大言於衆中曰往日劉曜自來猶

無若我何況此偏師自欲降乎自率勁卒五萬人晨壓子遠壘門左右勸出戰子遠曰吾聞伊餘有專諸之勇慶忌之捷士馬之強人百匪敵其父新敗怒氣甚盛且西戎勁悍其鋒不可當也不如緩之使氣竭而擊之此曹劇之勝也乃堅壁不戰伊餘有驕色子遠候其夜分誓眾抹馬蓐食先晨其甲掃壘而出遲直吏明設覆而出戰擒伊餘陳盡俘其眾○宋桂陽王休範舉兵於尋陽已發東下宋朝惶駭宋相齊高帝議曰昔上流謀逆皆因掩緩至於覆敗休範必遠

陳琳

懲前失輕兵急下乘我無避分應變之術不宜在遠若偏師失律則大沮眾心宜頓新亭白下堅守宮掖東府石頭以待賊至千里孤軍後無委積求戰不得自然瓦解請頓新亭以當其鋒休範果敗○大唐武德中太宗領兵征薛仁果於折思曆墟之怒城有十餘萬兵鋒甚銳數來挑戰諸將咸請戰太宗曰我士卒新經挫血銳氣猶少賊驟勝必輕進好鬪我且閉壁以拒之待其氣衰而復擊可一戰而破此萬全計也因令軍中曰敢言戰者斬相持者久之賊糧盡軍

中頗携其將翟長孫梁胡郎率所部相繼來降
太宗知仁果心腹內離謂諸將曰可以戰矣令
行軍總管梁實營於淺水原以誘之賊大將宋
羅喉自恃驍悍求戰不得氣憤者久之及是盡
銳攻梁實莫逞其志梁實固斂不出以挫其鋒
羅喉攻之愈急太宗度賊久疲復謂諸將曰吾
當取之必矣申令諸軍遲明合戰復令將軍龍
玉陣於淺水原南出賊之右以先餌之羅喉併
軍共戰王軍幾敗太宗親御大軍奄自原北出
其不意羅喉回師相拒我師表裏齊奮呼聲動

天羅喉氣奪於是潰○武德中太宗率師往河
東討劉武周江夏王道宗時年十七從軍太宗
登玉壁城觀賊顧謂道宗曰賊恃其衆來邀我
戰汝謂何如對曰羣賊鋒不可當易以計屈難與力
競今深壁高壘以挫其鋒烏合之徒莫能待久
糧運致竭自當離散可不戰而擒太宗曰汝意
見暗與我合後賊果食盡夜遁追及介州一戰
敗之

不戰挫銳

大唐武德中李靖隨河間王孝恭討蕭銑師至

于清江剋銑遣其將乘勝入北江銑悉兵以拒之孝恭將戰李靖止之曰楚人輕銳難與爭鋒今新失荆門盡兵出戰此救敗之師也非其本圖勢不能久一日不戰賊必兩分留輕兵以抗我退羸師以自守此卽勢墮力弱擊之必捷孝恭不從追靖按營自以銳師求戰孝恭果敗奔于南岸河間達之而敗

敵饑以持久弊之

後漢初河南賊董憲招誘五校餘賊步騎數千人屯建陽去昌慮三十里光武親征至蕃音去反

憲所百里諸將請進帝不聽知五校乏食當退勅各堅壁以待其弊頃之五校糧盡果引去帝乃親臨四面攻憲三日大破之○後漢王霸馬武旣破周建蘇茂營賊復聚衆挑戰霸堅臥不出軍吏皆曰茂前日已破今易擊也霸曰不然蘇茂客兵遠來糧食不足故數挑戰以徼吉堯反一切之勝徼要也一切猶權時也今閉營休士所謂不戰而屈人兵善之善者也茂建旣不得戰乃引還營其夜建兄子誦反閉城拒之茂建遁去誦以城降○後漢末青州黃巾衆百餘萬人兗州界

刺史劉岱欲擊之鮑信諫曰今賊衆百萬百姓皆震恐士卒無鬪志不可敵也觀賊衆羣輩相隨軍無輜重難以抄掠爲資今不若畜士衆之力先爲固守使彼欲戰不得攻則不能其勢必離散然後精選銳兵據其要害擊之可破也岱不從遂與戰果爲所殺劉岱違而敗後漢末荀攸從曹公征張繡攸言曰繡與劉表相恃爲強然繡以遊軍仰食表表不能攻也勢必離不如緩軍以待之可誘而致也不從表果救之軍不利曹公謂攸曰不用君言至是曹公違之而敗○隋煬

帝征高麗大軍已渡鴨綠水糧盡議欲班師諸將多異同又不測意會高麗相國乙支文德來詣其營都將宇文述不能執文德逃歸述內不自安遂與諸將更進追擊時文德見軍中多饑色欲疲述衆每鬪便北述一日之中七戰皆捷旣恃驟勝又內逼羣議於是遂進逼平壤城文德僞降述料攻之未可卒拔因而班師文德遂擊之大敗文德七戰七北遷延今敵饑疲亦同恃久之義○隋末宇文化及弒煬帝後率兵來攻李密於黎陽密知化及糧且盡因爲與和以弊其衆化及弗之悟大

喜恣其兵食與密饋之會密下有人獲罪亡投
化及具以告密情化及大怒其食又盡及渡水
濟化及乃與密戰于童山之下自辰達酉密爲
流矢所中丁仲頓於汲縣化及掠汲郡北趣魏
縣其將王智畧張童仁等率所部兵歸于密者
前後相繼○大唐武德初劉武周據太原使其
將宋金剛屯於河東太宗往征之謂諸將曰金
剛懸軍千里深入吾地精兵驍將皆在於此武
周自據太原專倚金剛以爲悍蔽金剛雖衆內
實空虛虜掠爲資意在速戰我堅營蓄銳以挫
其鋒分兵汾隰衝其心彼糧盡計窮自當遁
當待此機未宜速戰於是遣剛弘等絕其糧道
其衆遂餒金剛乃遁

因敵饑乘其弊而取之

漢王以項籍約中分天下漢欲西歸張良陳平
說曰漢有天下太半而諸侯皆附之楚兵疲食
盡此天亡之時也不因其饑而遂取之今釋之
不取所謂養虎自遺患也從之終滅羽

因敵三鼓氣衰敗之

春秋時齊師伐魯魯莊公將戰曹劌請從公與

之同乘勢戰于長勺公將鼓之劇曰未可齊人
三鼓劇曰可矣齊師敗績公問其故對曰夫戰
勇氣也一鼓作氣再而衰三而竭彼竭我盈故
剋之○晉將丘儉文欽反司馬景王遣諸將銜
枚徑造討之時藥嘉欽子鴛年十八勇冠三軍
謂欽曰反其未定請登城鼓譟擊之可破也既
謀而行三鼓譟而欽不能應鴛退相與引而東
景王謂諸將曰欽走矣發銳軍以追之諸將曰
欽舊將鴛小而銳引軍內入未有失利必不走
也王曰一鼓作氣再而衰三而竭鴛三鼓而欽
不應其勢已屈不走何待欽將遁鴛曰不先搗
其勢不得去也乃與驍騎十餘推鋒陷陣所向
皆披靡遂引去王遣驍騎八千翼而追之欽父
子與麾下走保項儉聞欽敗棄衆宵遁淮南安
風津都尉追儉斬之

致敵力疲夾攻敗之

後漢初光武追將王霸馬武擊河南賊周建於
垂恩賊師蘇茂將五校兵四千餘人救建而先
遣精騎遮擊馬武軍糧武往救之建從城中出
兵夾擊武武將霸之援戰不甚力爲茂建所敗

武將奔過霸營大呼求救霸曰賊兵盛出必兩
敗弩力而已閉營堅壁軍吏皆諍之霸曰茂兵
精銳其衆又多吾吏士心恐而馬武與吾相恃
兩軍不一此敗道也今閉營固守示不相援賊
必乘勝輕進馬武無救其戰自倍如此茂衆疲
勞吾承其弊乃可克也茂建果悉出兵攻武合
戰良久霸軍中壯士路潤等數十人斷髮請戰
霸知士心銳乃開營後出兵精騎襲其背茂建
前後受敵驚亂敗走○十六國前燕慕容雋已
尅幽薊至于冀州冉閔帥騎拒之與雋將慕容

恪相遇於魏昌閔將董閔言於閔曰鮮卑乘勝
勁不可當也請避之以溢其氣然後濟師以擊
之可以捷也閔怒曰吾成師以出將平幽州斬
慕容雋今遇恪而避之人將侮我矣閔威名素
震燕衆咸憚之恪謂諸將曰閔勇而無謀一夫
之敵耳雖有甲兵不足擊也吾令分軍爲三部
掎用以待之閔性輕銳又知吾軍勢非敵必出
萬死衝吾中軍吾令貫甲厚陣以俟其至諸軍
但勵卒從傍須其戰合夾而擊之必尅閔與恪
遇十戰皆敗之恪乃以鐵鑱連馬簡善射鮮卑

勇而無剛者五千萬陣而前閔乘駿馬左杖雙
刀右執找戟順風擊之斬鮮卑三萬餘級俄而
燕騎大至圍之數周閔衆寡不敵躍馬潰圍東
走行二十里爲恪所擒

陣久疲致敗

大唐武德中太宗圍王世充於東都竇建德悉
衆來救太宗頓武牢拒之建德陣於汜音水東
彌亘數里諸將有懼色太宗將數騎登高丘以
觀之謂諸將曰賊起山東未見大敵今渡險而
囂是軍無政令逼城而陣有輕我心也我按之

不出待彼氣衰陣久卒饑必將自退追而擊之
何往不尅建德列陣自卯至午兵士饑倦皆列
坐又爭飲水太宗令宇文士及率三百騎經賊
陣之西馳而南誡之曰賊若不動止宜引歸如
其覺動宜引東出土及纔過賊衆果動太宗曰
可擊矣乃命旗將建旗列隊自武牢城乘高入
南山循谷而東以掩賊背建德遽引其陣却上
東原未及整列太宗率輕騎擊之所向披靡程
咬音金等衆騎纏幡而入直突出賊陣後齊張
旗幟表裏俱奮賊徒大潰生擒建德○武太后

初徐敬業起兵於揚州武太后令將軍李孝逸討之敬德拒於高郵之下阿谿敬業置陣既久士卒多疲怠皆顧瞻陣不能整孝逸遂率衆擊之因風縱火敬業懼燒而退孝逸進擊大破之出其不意

孫子曰出其不意

攻其空虛出其不意之塗也故太公曰動莫神於不意勝

莫太於不識也

○後漢初光武遣鄧禹西征至河東禹

擊更始將王匡禹軍不利戰罷明日癸亥匡以六甲窮日不出禹因得便整兵勸衆明日三鼓軍出攻禹禹令軍中無得輒動既至營下

發諸將鼓而並進大破之○魏末遣將鍾會鄧

艾伐蜀蜀將姜維守劔閣鍾會攻維未能尅艾

上言請從陰平由邪徑經廣漢得陽亭趣涪音

出劔閣西四百里去城都三百餘里奇兵衝其

腹心劔閣之守必還赴涪則會方軌而進劔閣

之軍不還則應涪之兵寡矣軍志有之曰攻其

不備出其不意今掩其空虛破之必矣冬十月

艾自陰平行無入之地七百餘里鑿山通道造

作橋閣山高谷深至爲艱險又糧運將匱頓於

危殆艾以氊自裹推轉而下將士皆攀木緣崖

魚貫而進先登至江由屬守將馬邈降諸葛瞻
自涪還絲竹列陣相拒大破之斬瞻及尚書張
遵等首遂進軍至城都蜀主劉禪面縛昇禩詣
軍門降○晉將鎮西將軍杜元凱伐吳樂鄉城
晉牙門管定周旨等伏兵樂鄉城外吳都督孫
啟先遣軍出拒晉將王濬於上流大敗而還旨
等發伏兵隨啟軍而入敵不覺直至帳下虜啟
於是進逼江陵吳都督將伍延偽請降而列兵
登陴晉師攻尅之○晉末河間王顥在關中遣
將張方討長沙王又方率衆自函谷入屯河南

又遣左將軍皇甫商拒之而敗張方率兵入洛
陽又奉惠帝討方于城內方軍遙見乘輿於是
引退方止之不得衆遂大敗方退壁于十二里
橋人情挫衄無復鬪志或勸方夜遁方曰兵之
利銳是常貴因敗以爲成功耳我更前作壘出
其不意此用兵之奇也乃夜潛進逼洛陽城七
里又旣新捷不以爲意忽聞方壘成又師乃出
戰遂大敗○西晉末石勒據襄國晉將王浚遣
督護王昌及鮮卑段就六眷末柰等部衆五萬
餘以討勒時城隍未修乃築隔城重柵以待之

就六眷屯于渚陽勒公遣諸將連出挑戰頻爲
就六眷所敗又聞其大備攻具勒顧謂其將佐
曰今寇來轉逼彼衆我寡恐攻圍不解外救不
至外糧罄絕必敗不能固也吾將簡練將士大
陣於野以決之何如諸將曰宜固守以疲老彼
師師老自退追而擊之必尅張賓曰聞就六眷
尅來月上旬送死北城今以我軍勢寡弱謂不
敢出戰意必懈怠今段氏種衆之悍末柸尤最
其卒之精勇悉在末柸所可勿復出戰示之以
弱速鑿北壘爲突門二千餘道候城列守未定

出其不意直衝末柸帳敵必震惶計不及設所
謂迅雷不及掩耳末柸之衆旣奔餘自摧散擒
末柸之後王浚指辰而動勒納之卽以孔萇爲
攻戰都督造突門于北城鮮卑入屯北壘勒候
其陣未定躬率將士鼓譟于城上會孔萇督諸
突門伏兵俱出擊之生擒末柸就六眷等衆遂
奔散萇乘勝追擊枕屍三千餘里獲鎧甲馬千
疋就六眷收其遺衆屯于渚陽遣使求和送鎧
馬金銀帛以末柸三弟爲質而請末柸諸將并
勸殺末柸以挫勒曰遼西鮮卑與我素無怨讎

爲王浚所使耳今殺一人結怨一國非計也放
之必悅不復爲浚用矣於是納其質而遣末柸
就六眷等引還終獲其用也○東魏西荊州爲
梁將曹茂宗所圍東魏召人赴救慕容儼應募
赴之明東魏北涓音育太守宋帶劔謀叛儼乃輕
騎出其不意直至城下語云大軍已到太守何
不出迎帶劔造次惶恐不知所爲便出迎儼卽
執之一郡遂定○東魏大將齊神武兵伐西魏
屯軍蒲功造三道浮橋渡河又遣其將竇泰趨
潼關高敖曹圍洛州今上洛郡周文帝出軍廣陽召

諸將謂曰賊今掎居綺反

吾三面又造橋於河示

欲必渡欲綴吾軍使竇泰得西入耳與之相待必
得行其策也且高歡用兵常以泰爲先駘其下
多銳卒屢勝而驕今出其不意襲之必剋剋泰
則歡不戰而自走矣諸將咸曰賊在近捨而遠
襲事若差跌從結反悔無所及周文曰歡前再襲
潼關吾軍不過霸上今者大來兵未出郊賊固
謂吾但自守耳無遠鬪意又忸於得志有輕我
之心乘此擊之何往不剋賊雖造橋未能徑至
此五日中吾取竇泰必矣公等勿疑周文遂率

騎六千還長安聲言欲保隴右辛亥潛出軍癸丑旦至潼關竇泰卒聞軍至惶懼依山未及爲陣未及成列周文縱兵破之盡俘其衆斬泰傳首長安高敖曹適陷洛州聞泰沒舍輜重棄城而去齊神武亦至撤橋而退周文初與諸將咸難之至是乃隱其事佯若未有謀者而獨問策於尚書直事郎中宇文深對曰竇泰歡之驍將也明勝而輕敵今者大軍若就蒲坂則高歡拒守竇泰援之內外交受敵取敗之道也不如選輕銳之卒潛出小關竇泰性躁急必來決戰高歡

持重未卽救之則竇可擒也既擒竇泰歡勢自

阻

慈呂反

迴軍擊之可以制勝周文喜曰是吾心

也君卽吾之陳平也○後周末隋文帝爲丞相益州總管王謙舉兵拒命隋文遣將梁睿討之進至龍門謙將趙儼泰會擁衆十萬據險爲營周圍三十里睿令將士銜枚出自閒道四面奮擊破之王謙又令高阿那瓌達奚甚等以盛兵攻利州聞梁睿將至甚分兵據關遠睿顧謂將士曰此虜要欲遏吾兵勢吾當出其不意破之必矣遣一將趨劔閣一將指巴西一將水軍入嘉陵

睿遣將分道攻甚自午及申破之甚奔歸于謙
黎睿進逼城都謙令達奚甚守城而親率精兵
五萬背城結陣睿擊之謙不利將入城甚即以
城降謙將麾下三十騎遁走斬之○大唐武德
中突厥突利頡利二可汗到原州太宗率兵拒
之兩甚太宗乃召諸將謂之曰虜控弦鳴鏑音的
弓馬其憑今兩彌時弧矢俱弊突厥人衆如鳥
鍛所八翻我屋宿火食捨槩侵利料我之逸揣
敵所勞此而不乘夫復何時今欲先令勁兵亂
其陣乃率突騎駢其後虜俗進不相讓退不相

救自此以北澗谷深長時有一道貫魚以度因
而追之彼十萬騎坑堦中物耳追至黃河縱不
盡擒必當十獲八九此曉兵者所解諸君勿疑
於是潛師夜行冒雨而進醜徒震駭因縱反閒
於突利悅而歸心焉二可汗內離頡利欲戰不
可因請和而去○貞觀中蘇定方率兵討突厥
賀魯大雪平地二尺軍中咸請停兵候時方曰
虜恃雪深謂我不能前進必當憇息追之可及
若緩以縱之則漸遠難追省日兼功在此舉也
於是勒兵凌雪晝夜兼進所經收其人衆遂至

雙河去賀魯所居二百餘里布陣長駟徑至金
牙山及賀魯牙所時賀魯集衆欲獵定方縱兵
擊之盡破其牙帳生擒數萬人賀魯脫走投石
國定方於是悉命諸部歸其所居埋瘞骸骨存
問疾苦復其產業賀魯所虜掠者悉檢責還之
於是兩域諸國安堵如故令副將蕭嗣業往石
國以追賀魯遠擒歸于京師○貞觀中突厥諸
部離叛朝廷將圖進取以李靖爲代州道行軍
總管率驍騎三千自馬邑出其不意直趨惡陽
嶺以逼之突利可汗不虞於靖見官軍掩至細

謂曰唐兵若不傾國而來靖豈孤軍而至一日
數驚四年靖進擊定襄城破之突厥諸部洛並
走磧北突利可汗來奔獲隋齊王暕之子揚正
道及煬帝蕭后送于京師頡利可汗太懼退保
鐵山遣使入朝謝罪請舉國內附又以靖爲定
襄道行軍總管往迎之頡利雖外請朝謁而內
懷持疑靖揣知其意是時詔遣鴻臚卿唐儉攝
戶部尚書慰諭之靖謂副將張公謹曰詔使到
彼虜必自寬乃選精騎一萬齎二十日糧引兵
自白道襲之公謹曰旣許其降詔使在彼未宜

討擊靖曰此兵機也非君所及如唐儉輩何足
可惜督軍疾進師至陰山遇其斥候千餘帳皆
俘以隨軍頡利見使者大悅不虞官兵至也靖
前鋒乘霧而行將逼其牙帳七里虜始覺列兵
未及行陣頡利畏威先走部衆因而潰散斬首
萬餘級俘男女千餘萬殺其妻隋義成公主頡
利乘千里馬將走投土谷渾西道行軍總管張
寶相擒之以獻遂滅其國復定襄恒安之城斥
土界自陰山北至于大漠○貞觀中吐谷渾寇
遂以李靖爲四海道行軍大總管統兵部尚書

侯君集刑部尚書任城王道宗等五總管征之
軍次伏埃城吐谷渾燒去野草以餒我師退保
太非川諸將咸言春草未生馬已羸瘦不可赴
敵唯靖決計而進深入敵境遂踰積石山前後
戰數合殺傷甚衆大破其國

孫子曰攻其無備

擊其懈怠不備之處

擊其不備

春秋時衛人燕師伐鄭

南燕姓姑

鄭將祭

側介反

足原繁泄

私列反

駕以三軍軍其前使曼伯子元

潛軍軍其後燕人畏鄭三軍而不虞制人鄭二

將以制人敗燕師于北制君子曰不備不虞不
可以師○魏將李典與程翼等以船運軍糧會
袁尚遣將高藩將兵屯河上絕水道典與諸將
議曰藩軍少甲而恃險有懈怠之心擊之必克
宜亟擊之翼亦以爲然遂北渡河攻藩破之水
道得通○十六國北涼沮渠蒙遜率兵伐南涼
秃髮傉_{內洪}檀至顯美徙數千戶而還傉檀追
及蒙遜于窮泉蒙遜將擊之諸將皆曰賊以安
營不可犯也蒙遜曰傉檀爲吾遠來疲弊必輕
而無備及其壘壁未成一鼓而滅遂擊敗之

乘勝至姑臧夷夏降者萬數千戶傉檀懼請和
而歸○隋末李密破宇文化及還其勁兵良馬
多死隋將王世充守東都欲乘其弊練精勇兵
得二萬人馬千餘死於洛水南密軍偃師北山
上時密新得志於化及有輕世充之心不設壁
壘世充夜遣二百餘騎潛入北山伏溪谷中令
軍士秣馬蓐食旣而宵濟人奔馬馳遲明而薄
密密出兵應之陣未成列而兩軍合戰其伏兵
蔽山而上潛登北原乘高而下馳壓密營營中
亂無能拒之者卽入縱火焚之密軍由是大驚

而潰

攻其未整

春秋時宋襄公及楚人戰于泓烏宏宋人既成

列未濟未盡渡司馬子魚曰彼衆我寡及其未

既濟也請擊之公曰不可既濟而未成列又以

告公曰未可既陣而後擊之宋師敗績國人皆

咎公公曰君子不重傷不擒二毛頭白有二色古之

爲軍也不以阻險也不因阻險以求勝寡人雖亡國之

餘不鼓不成列宋商之後子魚曰君未知戰勅

敵之人隘而不成列天贊我也就競也言楚在險隘不得陣列天所以

宋阻而鼓之不亦可乎猶有懼焉雖因阻擊之猶恐不勝也

且今之勅者皆吾敵也雖及胡考音苟獲則取之

何有於二毛今之勅者謂與吾競明耻教戰求

殺敵也明設刑戮傷未及死如何勿重言尚能害已也

若愛重傷則如勿傷愛其二毛則如服焉言苟不欲

傷殺敵人則寧三軍以利用也爲利也金鼓以聲

勢也鼓以佐士利而用之阻隘可也聲盛致志

鼓儵可也儵岩不整陣也儵音○後漢末曹公

討鮮卑出盧龍塞塞外道絕不通乃塹山堙谷

五百餘里經白檀歷剛平涉鮮卑庭東陷柳城

未至二百里虜乃知之將數萬騎逆軍登白狼山卒與虜遇衆甚盛公登高觀虜陣不整縱兵擊之使張遼爲先鋒虜大敗也

孫子曰用兵之法無恃其不來也恃吾有能以待之也無恃其不攻吾也恃吾不可攻也

安則思危

存則思亡常有備

先設備而勝

周末荆人伐陳吳救之軍行三十里雨十日夜不見星左使倚相謂荆大將子期曰雨十日甲輯兵聚吳人必至不如備之乃爲陣而吳人果

至見荆有備而反左史曰其反覆六十里其君子少休小人少食我行三十里擊之必尅從之遂破吳軍○魏大將軍南征吳到積湖魏將滿寵率諸軍在前與賊人隔湖水滿寵謂諸將曰今夕風甚猛賊人必來燒營宜爲之早備諸軍皆驚恐夜半賊人果遣十部來燒營滿寵掩擊大破之○晉將羅尚遣廣漢都尉曾元牙門張顯等潛率步騎三萬襲蜀賊人李特素知之乃繕甲厲兵戒嚴以待之會元等至李特安臥不動待其衆半入發伏擊之殺傷者甚衆遂害會

元張顯等○十六國北燕馮跋滿撥據遼東其
弟萬泥阻兵以叛跋遣將馮弘與將軍張興討
之弘遣使諭之曰昔者兄弟乘風雲之運撫翼
而起羣公以天意所在逼奉主上光踐寶位列
土頒爵當與兄弟共之奈何欲尋干戈於蕭牆
棄友于而為閼伯過貴能改善莫大焉宜舍茲
嫌同天主室萬泥不從刻期出戰興謂弘曰賊
明日出戰今夜必來驚營宜備不虞弘乃密嚴
備仍人課草十束之火伏兵以待之是夜萬泥
果遣壯士千餘人斫營衆火俱起伏兵邀擊俘

斬無遺遂平萬泥等

杜氏通典卷第一百五十五

杜氏通典卷第一百五十六

增入宋儒議論

唐京兆杜佑君卿纂明御史後學李元陽仁甫校刊

兵法八

以逸待勞

師不襲遠

餌敵取勝

軍勝虜掠被追襲多敗

附抽軍

卑辭怠敵取之

稱降及和因懈敗之

兩軍相對取背破之

兩軍相對繼遣軍助即勝

兵多力有餘宜分軍相繼

我寡敵衆自遠至乘疲敗之

挑戰

敵處高勿攻

敵黨急之則合緩之則離

假託安衆

孫子曰凡先處戰地而待敵者佚有餘力也言

之地以待人之來則後處戰地而趨戰者勞若

軍有備士馬閑逸已處便勢之地已故善戰者致人而不致於人

方赴戰士馬勞倦言兩軍相遠強弱俱敵彼可使歷險而來我能

不可歷險而往必能引致敵人已不往從也能

使敵自致者利之也誘之以利以近待遠以逸待勞

以我之充飽待彼之
饑虛此理人力者也

以逸待勞

梁司州刺史柳仲禮留其長史馬岫守安陸自

率步騎一萬寇西魏襄陽西魏將楊忠帥衆南

伐攻梁隨郡克之進圍安陸仲禮聞隨郡陷恐

安陸不守遂馳歸赴援諸將恐仲禮至則安陸

難下請急攻之忠曰攻守勢殊未可卒跋若引

曰勞師表裏受敵非計也南人多習軍不閑野

戰仲禮迴師已在近路吾出其不意以奇兵襲

之彼怠我奮一舉必克則安陸不攻自跋諸城

可傳檄而定也於是選騎二千銜枚夜進遇仲

禮於崇崇音崇水忠親自陷陣擒仲禮悉俘其

衆安陸及境陵郡皆降如忠所策○後周遣將

率突厥之衆逼齊晉陽齊將段韶禦之時大雪

之後周人以步卒爲前鋒從西山而下去城二

里諸將咸欲逆擊之韶曰步人氣力勢自有限

今積雪既厚逆戰非便不如陣以待之彼勞我

逸破必矣既而交戰大破之敵前鋒盡殪無復

子遺自餘通宵奔遁孫子曰國之貧於師者遠

師遠輸遠師遠輸者則百姓貧兵車轉運千里之外

財則費於道路近師者貴賣則百姓財竭言近

人有困窮者市多非常之買當時貪貴以趨未利然後財貨殫盡國家虛也

師不襲遠

春秋時秦伯使大夫杞子伐鄭使告于秦伯曰

鄭人使我掌其北門之管管若潛師以來國可

得也穆公訪諸蹇叔蹇叔曰勞師以襲遠非所

聞也蹇叔秦大夫師勞力竭遠主備之無乃不可乎且

師行千里其誰不知公辭焉辭不受召孟明西

乞白乙使出師于東門之外蹇叔哭之曰孟子

吾見師之出而不見其入也蹇叔之子與師哭

而送之曰晉人禦師必於殺殺有二陵焉曰大阜

其南陵夏后臯之墓之祖夏桀其北陵文王之所

避風雨北道在二殺之間南谷中谷深委曲兩

帝西討巴惡嘆其險必死此間余收爾骨焉秦

師遂東原軫曰秦違蹇叔而以貪勤人天奉我

也奉與奉不可失敵不可縱縱敵患生違天不

祥必伐秦師樂枝曰未報秦施而伐其師其為

背君乎先軫曰秦不哀吾喪而伐吾同姓秦則

無禮何施之為吾聞之一日縱敵數世之患也

謀及子孫可為背君乎謂皆可遂發命遽與姜

戍子墨繆經晉文公未葬故襄公稱遂敗秦師

于殺獲百里孟明視西乞術白乙丙以歸

孫子曰餌兵勿貪以水利來餌已

餌敵取勝

後漢末曹公西征馬超與超夾關為軍公急持

之而潛遣徐晃朱靈等夜渡蒲坂津據河西為

營公自潼關北渡未濟超赴船急戰公放牛馬以

餌賊賊亂取牛馬公得度循河為甬道而南賊

退距渭口公乃多設疑兵潛以舟載兵入渭為

浮橋夜分兵結營於渭南賊夜攻營伏兵擊破

之○後漢末曹公與袁紹相持爭渡曹公循河而西紹於是渡河追公軍至延津南公勒兵駐營南坂下使登壘視之曰可五六百騎有頃復白騎稍多步兵不可勝數公曰勿復白乃令騎解鞍放馬是時白馬輜重就道諸將以爲敵騎多不如還保營荀攸曰此所以餌敵也如何去之紹騎將文醜與劉備將五六千騎前後至諸將復白可上馬公曰未也有頃騎至稍多或分趣輜重公曰可矣乃皆上馬時騎不滿六百遂縱兵擊大破之○晉將李牢之宋武帝討妖賊

孫恩恩敗走虜男女二十餘萬口一時入海懼官軍之躡乃緣道多棄寶物子亥時東土殷實莫不粲麗盈目牢之等遽收斂故恩復得逃入

海

孫恩用此術獲免

○晉將李矩守榮陽後趙石勒親

率兵襲矩矩老弱入山令所在散馬牛因設伏以待之賊爭取牛馬伏發齊呼聲動山谷遂大破之斬獲甚衆勒乃退○十六國南源禿髮儁檀傳奴守姑臧後秦姚興遣將姚弼等至於城下儁檀驅牛羊於野弼衆採掠儁檀因分擊大破之○後魏末大將廣陽王元深伐北狄使于

謹單騎入城中示以恩信於是西部鐵勒酋長也列河等三萬餘戶並款附相率南遷廣陽欲與謹至析敦嶺迎接之謹曰破六汗拔陵兵衆不少間也列河等歸附必來要擊彼若先據險要則難與爭鋒今以也列河等餌之當競來抄掠然後設伏而待必指掌破之廣陽然其計拔陵果來要擊破也列河於嶺上部衆皆沒謹伏兵發賊遂大敗悉收得也列河之衆○隋煬帝征高麗隋將宇文率衆從樂浪道軍次烏骨城文簡羸馬驢數千置於軍後既而率衆東過

高麗出兵掩襲輜重宇文迴擊大破之

軍勝虜掠被追龍不多敗

傳檀以悅德獲致敗亦貪之累故附

餌敵之後

十六國南涼秃髮儁檀伐北沮渠蒙遜於姑臧至番禾若藿徒吊反掠五千餘戶其將窟古進曰陛下轉戰千里前無完陣徒戶資財盈溢衢路宜倍道遊師早度峻嶮蒙遜善於用兵士卒習戰若轉軍卒至出吾慮表大敵外逼徒戶內攻危道也衛尉伊力延曰我軍勢方盛將士勇氣自倍彼徒我騎勢不相及若倍道遊師必捐棄

資財示人以弱非計也俄而昏霧風雨蒙遜軍
入至偃檀大敗而還

抽軍附

大唐魏公李靖兵法曰諸兵馬被賊圍遶抽拔
須設方計一時齊拔賊即逐背揮戈曰必敗共
賊相扶事須抽拔者即須隔隊抽一隊所抽之隊去
舊隊百步以下遂便立隊令持戈搶刀棒斧弓
弩等張施待賊張施了即抽前隊如賊來逼所
張弓弩等人便即放箭奮擊如其賊止不來其
所抽隊便過向前百步以下遂便准前立隊張

施弓弩等待賊既施張訖准前抽前隊隔次立
陣即免被賊奔蹙其被抽之隊不得急走須徐緩
而行如賊相逼即須迴拒戰其隊頭押官押後
副隊頭引前如有走者仰押官隊頭便斬違失
節度者斬前隊

孫子曰卑而驕之

彼其舉國兵興師怒而欲進則當外示屈撓以高其志候

清歸怒而擊之故王子曰善用法者如狸

之馬力鼠之馬智卜之猶卑辭而下之
卑辭急敵取之

戰國燕軍大破齊國齊將田單守即墨知士卒
可用乃身操拔插與士卒分功妻妾編行伍之

間盡散飯食饗士令甲卒皆伏使老弱女子乘城遣約降於燕燕軍皆呼萬歲田單又收民金得千鎰令卽墨富豪遣使遺燕將書曰卽墨卽降願無虜掠吾族家妻妾令安堵燕將大喜許之燕軍由此益懈田單出軍擊大敗之

稱降及和因懈敗之

秦末天下兵起沛公西入武關欲以二萬人擊秦燒關下軍張良曰秦兵尚強未可輕也臣聞其將屠者子賈豎易動以利願且留壁使人行爲五萬人其食益張旗幟諸山之上爲疑兵令

飢食其待重寶啗秦

貪而忽畧可貨以賂

秦將果欲連和

俱西襲咸陽沛公欲聽之良曰此獨其將欲叛士卒恐不從必危不如因其懈怠擊之沛公乃引兵擊之秦兵大破○晉將李矩守滎陽城前趙劉聰將劉暢步騎三萬討矩屯于韓王故壘相去七里遣招矩時暢卒至矩未暇爲備遣使奉牛酒詐降于暢潛匿精勇見其老弱暢不以爲虞大饗渠師人皆醉飽矩謀夜襲之暢僅以身免○大唐貞觀初突厥頡利自原州却歸時遣李靖討之頡利計窘使執失思力入朝謝罪

請為潘至太宗遣唐儉安修仁持節出塞以安撫之頡利不肯朝覲謀待草青馬肥將踰沙磧靖與其副將張公謹謀曰制使到彼虜必自寬須率精騎齎二十日糧乘間掩襲諸將皆曰詔許其降行人在彼奈何攻之靖曰此兵機也督軍疾進奄踰白道過其斥候千餘帳皆俘以隨軍頡利見使者甚悅不虞官兵之至靖軍奄到縱擊之遂滅其國

孫子曰凡戰者以正合以奇勝正者當敵奇兵正道合戰以奇變既勝也故善出奇者無窮如天地不竭如

江河言應變出無窮竭終而後始日月是也死而復生

四時是也日月運行八而復出四時更至與而復廢言奇正變化或若日月之進退

四時之盛衰也

兩軍相對取背破之

後漢初赤眉青犢十餘萬眾並在射犬光武引兵將擊之耿純軍在前去眾營數里賊忽夜攻純兩射營中士多死傷純勒部曲堅不動選敢死士千人俱持強弩各傳三矢使銜枚間行傳著純出賊後齊聲呼譟強弩並發賊眾驚走追擊遂破之○宋柳元景為隋郡太守既至而變反

斷驛道欲攻郡郡內力少糧食又乏元景設方略得六七百人乃分五百屯驛道或曰蠻將逼城不宜分衆元景曰蠻聞郡遣童戍豈悟城內兵少退且表裏合勢於計爲長會蠻垂至乃使驛道兵潛出其後戒曰火舉馳進前後俱發蠻衆驚擾投鄖水死者千餘人斬獲數百郡境肅然無復寇抄○蕭齊末梁武帝發雍州東下雍州今襄陽郡大軍次江寧梁武使呂僧珍與王茂率精兵先登梁武頓於越城呂僧珍猶守白板齊主東昏將李居士密覘知城中衆少率銳卒萬人

直來薄城僧珍謂將曰今力旣不足不可與戰可勿遙射須至塹裏當併力破之俄而皆越塹拔柵僧珍分人上城矢石俱發自率馬步三百人出其後守陴者復踰城而下陴婢支反內外齊擊居士等應時奔敗○陳將周靈鎮安蘄等州高齊遣將陸騫以衆二萬出自巴蘄與靈相遇靈留羸弱輜重設疑兵以當之身率精銳由間道邀其後大敗騫軍虜獲器械馬驢不可勝數○隋漢王諒據并州反隋將楊素率衆數萬討諒時晉絳呂三州並爲諒城守素各以二千人縻

之而去諒遣將趙子開擁衆十餘萬柵徑路屯據高壁嶺布陣五十里素令諸將以兵臨之自引兵入霍山緣崖谷而進直指其營一戰破之殺獲數萬

兩軍相對繼遣軍助卽勝

後漢初河南賊張步據齊地漢將耿弇討之壁於臨淄步與其三弟藍弘壽反故大胗渠帥重異等兵重姓異名也號二十萬至臨淄大城東將攻弇弇先出淄水上與番異遇突騎欲縱弇恐挫其鋒令步不敢進故示弱以盛其氣乃引歸以

城陳兵於內步氣盛直攻弇營裨將劉歆等舍

戰弇升王宮壤臺觀之

臨淄本齊國所都卽齊王宮中之壤臺也東觀

記作壤臺

視歆等鋒交乃自引精兵橫交突步陣於

東城下大破之○後漢末呂布復從東昏與陳宮將萬餘人來與曹公戰時兵皆出取麥在者不能千人屯營不固曹公乃命婦人守陣悉將兵拒之屯西有大隄其南樹木幽深布疑有伏乃相謂曰曹操多詐勿入伏中引軍南屯十餘里明日復夾曹公隱兵隄裏出半兵隄外布益進乃令輕兵挑戰旣合伏兵乘隄步騎並進遂

大破之○大唐武德初王充據東都太宗往征之屯青城宮營壘未立王充率衆二萬自方諸門出臨穀水以禦大軍諸將甚懼太宗以精騎陣於此却登後魏軍武陵以觀賊陣謂左右曰賊勢迫矣悉衆而出利在一戰今日破之其後不能出矣乃令屈突通率步卒五千渡水布陣以當之因戒通曰待兵交卽放煙吾當率馬軍南下兵纔接太宗以騎衝之挺身先進表裏合勢賊衆殊死戰散而復合者數焉地旣險隘賊多排攢攢子攢也騎戰稍難太宗親自射之莫不

應絃而倒起辰及午賊衆始退因乘之迫于城塹俘斬七千人自是不敢復出

兵多力有餘宜分軍相繼

東魏大將齊神武大舉伐西魏將渡蒲津其將薛琚曰叔六昌反西賊連年饑饉但宜置兵諸道勿與野戰比及來年麥秋人衆盡應餓死西賊自然歸降願王無渡河也侯景亦曰今者之舉兵衆極大萬一不捷卒難收斂不如分爲二軍相繼而進前軍若勝後軍全力前軍若敗後軍承之神武皆弗納遂有沙苑之敗齊神武達之而敗

我寡敵衆自遠至乘疲敗之

晉司空劉琨守太原遣將姬澹率衆十餘萬討石勒將拒之或諫曰澹兵馬精盛其鋒不可當宜深溝高壘以俟其銳攻守之勢必獲萬全勒曰澹衆大遠來體疲力竭犬羊烏合號令不齊可一戰擒之何彊之有寇已垂至胡可舍去大軍一動豈易中還若澹乘我之退顧走乃無暇焉得深溝高壘乎此爲不戰而自滅亡之道立斬諫者以孔萇爲前鋒都督令三軍後出者斬設疑兵於山上分爲二伏勒輕騎與澹戰戰僞

收衆而北澹縱兵追之勒前後伏發夾擊澹兵

大敗○梁將陳慶之曹仲宗伐後魏之渦陽渦

和魏遣將元昭等率兵來援前軍至駐澗去渦

陽四十里慶之欲逆戰諸將以賊之前鋒必是

輕銳與戰若捷不足爲功如其不利沮我軍陣

勢兵法所謂以逸待勞不如勿擊慶之曰魏人

遠來皆以疲倦去我旣遠必不見疑及其未集

須挫其氣出其不意必無敗理且聞虜所據營

林木甚盛必不夜出諸軍若皆疑惑慶之請獨

取之於是與麾下五百騎奔擊破其前軍魏人

震恐○齊神武與魏李武帝構隙自太原舉兵

逼洛陽帝遣將元斌之斛斯椿丑倫鎮武牢遣

使告周文帝謂左右曰高歡數日行八九百里

曉兵者所忌正須乘便擊之而主上以萬乘之

重不能度決戰方緣津據守且長河萬里杆禦

為難若一處得度大事去矣果如其言帝西奔

長安孝武違○東魏將齊神武伐西魏軍至許

原西周文帝至渭南徵諸州兵皆未會乃召諸

將謂之曰高歡越山渡河遠來至此天亡之時

也今及其新至便可擊之即造浮橋於渭令軍

入齊子美三日糧輕騎渡渭輜重自渭南夾渭

而軍至沙苑距齊神武軍六十里餘齊神武聞

周文至引軍來會觀周文軍少竟馳而進不為

行列總萃於左軍兵將交周文鳴鼓士皆奮起

其將于謹等六軍與之合戰李弼等率鐵騎橫

擊之絕其軍為二遂大敗之斬六千餘級臨陣

降者二萬餘人齊神武夜遁追至河上復大克

獲前後虜其卒七萬留其甲士二萬餘悉縱歸

孫子曰忿速可悔急疾之人可忿怒而致之忿

難可動速易怒者得惠疾急不計其主不可怒而興軍將不可以愠而致戰

作欺悔

合於利而用不合於利而止人主聚眾興軍以道理勝負之計不可以已之私怒將舉兵則以策怒可以復喜不可復喜怒之故而合戰也怒可以復喜怒可以復喜可以復悅亡國不可以復存死者不可以復生也主怒興軍伐人無素謀猷既失則破亡矣將以復喜悅而亡國不可復存故曰明主慎之良將做之此安危之道也做戒

挑戰

戰國魏武侯問吳起曰兩軍相當不知其將欲擊何如起曰令賊而勇者將而擊銳交合而北告而勿罰觀敵進取一來一起其政以理奔北

帝追見利不取此將有謀若其眾追北旗幟離亂自北自行或縱或橫貪利務得凡若此類將令不行○楚漢相持彭越數絕楚糧道項羽欲討越謂其將曹咎曰謹守成臯漢欲挑戰慎勿與戰無令得東我十五日必誅彭越定梁地漢果數挑戰楚軍不出使人辱之五六日曹咎怒度兵汜水漢擊之大破楚軍盡得楚國貨賄曹咎自刎於汜水之上十六國姚襄據黃落前秦符生遣將黃眉鄧羌等率步騎討之襄深溝高壘固守不戰鄧羌說黃眉曰傷弓之鳥落於

虛癸襄頰爲晉將桓溫張平所敗銳氣喪矣今固壘不戰是窮寇也襄性剛很易以剛動若長驅鼓行且壓其壘襄必怒而出師可一戰擒也黃眉從之遣羌率騎三千軍於襄壘果怒盡銳出戰羌僞不勝引騎而退襄追之至于三原羌迴拒襄俄而黃眉至大戰斬之盡俘其衆○宋將沈攸之反自江陵舉兵東下分兵出夏口據魯山攸之既至郢以郢城弱小不足攻宋郢州郡遣人告郢州守將鄒世隆曰被大后令當襲還都卿既相與奉國想心得此意世隆答曰東下

之師久承聲問郢城小鎮自守而已攸之將去世隆隨宜拒應衆皆披却攸之果怒今諸軍登岸燒郭邑築長圍攻之世隆隨宜拒應衆皆披却攸之軍因之敗潰○隋末高祖起兵自太原至霍邑隋相宋老生守城太宗以數騎詣其城下舉鞭指麾若將圍城者老生怒開門出兵高祖因謂隴西公建成曰汝看兩陣將交引左軍直趨東門命太宗引左軍直趨南門以斷其歸路老生之軍背城而列陣高祖以中軍與建成合陣於城東太宗陣於城南老生麾兵疾進先

薄高祖而建成墜馬老生乘之中軍與左軍咸却太宗自南原遙見塵起知義師退率二百騎馳下峻坂殺一賊將遂衝斷其軍出其陣後表裏齊躁隋師大潰遂擒老生而平霍邑

孫子曰凡處軍視生處高高陽也視謂自謂前

戰降無登無迎高也降下也謂山下也戰此處

山谷之軍也喜高而惡下貴陽而賤陰山南曰陽山北

陰是為必勝軍無百疾丘陵隄防必處其高陽

而右背之隄者積土所作皆當處其此兵之利

而地之助也故用兵之法高陵勿向也敵若隄

附險阻陳兵待敵勿輕攻趨也背丘陵勿迎也背

既馳勢不便有頽石之衝也

敵處高勿攻

蜀諸葛亮兵法曰山陵之戰不迎其高水上之

戰不逆其流草上之戰不涉其深平地之戰不

逆其虛此兵之利也故鬪戰之利唯氣與形也

○後周遣將討高齊師圍洛陽齊將段韶禦之

韶發邛坂聊欲觀周軍形勢至大和谷便值周

軍即遣馳告諸營與諸將結陣以待之周軍以

步人在前上逆戰韶以彼徒我騎且却且引待

其力弊乃遣下馬擊之短兵始交周人大潰洛
城之圍並即奔遁

敵黨急之則合緩之則離

後漢末曹公征張繡於穰荀攸曰繡仰食於劉

表久而勢必離今緩之可誘致急之則相救公

不從與繡戰表果救之公敗歸曹公違之故敗○曹公

既克鄴袁尚袁熙遂奔遼東衆有數千初遼東

太守公孫康恃遠不服曹公破烏丸或說公遂

征之尚熙可擒公曰吾方使康斬送其首不煩

兵矣公引兵還康果斬送尚熙傳其首諸將或

問曰公還而斬尚熙何也公曰彼素畏尚熙其
急之則併力緩之則自相圖其勢然也

假託安衆

春秋時晉文公卒將殯于曲沃出絳柩有聲如

牛如牛聲卜偃使大夫拜曰君命大事將有西師

過軼我擊之必大捷焉秦伯使孟明視等三將

襲鄭晉師禦于殽而敗之聲自柩出故曰君命

聞秦密謀故因柩聲以正衆心也燕將騎劫代樂毅攻齊即墨

齊將田單拒守乃令城中人食必祭其先祖於

中庭飛鳥悉翔舞城中下食燕人恠之單復宣

言曰神來下教我及令曰當有神人爲我師者
有卒曰臣可以爲師乎田單乃起返走引東嚮
師事之卒曰臣欺君誠無能田單曰子勿言也
因師之每出入約束必稱神衆心乃安竟破燕
軍○秦二世初天下亂陳勝吳廣起兵於蕪欲
收人心謀曰項燕爲楚將數有功愛士卒楚人
憐之或以爲在今誠以吾衆爲天下唱宜多應
者謂首廣以爲然迺行卜卜者知其指意曰足
下事皆成功然足下之鬼乎卜者云事成首功
可興起耳故勝廣曉其意勝廣喜僉曰此教我
見其兼書孤鳴以威衆也

先威衆耳迺丹書帛曰陳勝王置人所罾魚腹
中卒買魚烹食得書已恠之又閒令廣之次所

旁叢祠中夜篝火狐鳴呼去聲曰大楚興陳勝王

間謂竊令人行也密於廣所次舍處旁側叢祠
中爲之叢謂草木之岑蔚者也祠神祠也構謂
結起也卒皆夜驚恐旦日卒中往往指目勝廣因

而號令衆遂從之○世說新書曹公軍行失道

三軍皆渴公令曰前有大梅林饒子酸可以解

渴士卒聞之皆水出乘及前水○晉將李矩守

榮陽城劉聰將劉暢討矩矩奉牛酒詐降謀夜

襲之兵士以賊衆皆有懼色矩令郭誦禱鄭子

產祠曰君昔相鄭惡鳥不鳴兇胡臭羯何得過
庭使巫陽言東里有教當遣神兵相助將士聞
之皆踴躍爭進乃使精選勇敢千人夜掩暢營
獲鎧馬甚多斬首數千級暢僅以身免○十六
國後趙石勒使將麻秋等伐張仲華於武威仲
華將謝艾曰乞假臣兵七十爲殿下吞之仲華
以艾爲中堅將軍配步卒五千擊秋引師出振
武夜有二梟鳴於牙中艾曰梟邀也六博得梟
者勝今梟鳴牙中克敵之兆於是進戰大破之
斬首五千級○十六國後燕慕容賀麟率三萬

餘人寇新市甲子晦後魏道武帝進軍討之太
史令晁崇奏曰昔紂以甲子亡兵家忌之不可
出帝曰紂以甲子亡周武不以勝乎崇無以對
帝遂進軍新市賀麟退阻沮洳水依漸洳澤以
自固據而甲戌帝臨其營戰於義臺塢大破之
○東晉末武帝討慕容超圍廣固城數月不拔
或說裕曰昔石勒將石季龍攻曹嶷瞻氣者以
爲澠音繩水帶城非可攻拔若塞五龍口城必自
陷季龍從之而嶷降慕容恪爲段龕亦如之而
段龕降後無幾又震開之今舊跡猶在可塞之

裕從其言於是城中男女患脚弱疾者大半時
有蒼武飛入帳坐衆咸驚愕其將胡蕃獨賀曰
蒼者胡色鵝者我也胡虜歸我之徵衆大悅將
攻城諸將咸諫曰今往亡之日兵家所忌裕曰
我存彼亡吉孰大焉乃命悉登遂平廣固○東
晉末嶺南賊盧循寇建業宋武帝擊破走至彭
蠡湖內悉力相斷尤里大軍至尤里將戰帝所
執麾竿折旛沉水衆並恠懼帝歡笑曰往年覆
舟之戰旛竿亦折今者復然賊必破矣卽攻柵
而進循兵雖殊死戰弗能禁講軍乘勝奔之循

單舸走所殺及投水死凡百餘人納其降附宥
其逼掠遣劉潘孟懷玉輕軍追之循收散卒尚
有數千人遙還廣州○梁庾域爲華陽太守後
魏軍攻圍南鄭時梁儲寡少人情怙懼許反州
有空倉數十所域手自封題指示將士云此中
粟皆滿足支二年但努力堅守衆心以安虜退
○隋末李密據興洛陽破宇文化及還士卒皆
疲倦隋將王充欲乘其弊而擊之恐衆心不一
乃假託鬼神言夢見周公乃立祠於洛水之土
遣巫宣言周公欲今僕射急討李密當有大功

不則兵皆疫死充兵多楚人俗信妖言以惑衆
皆請戰遂破密

杜氏通典卷第一

杜氏通典卷第一百五十七

增入宋儒議論

唐京兆杜佑君卿纂明御史後學李元陽仁甫校刊

兵法十

行軍下營審擇其地

鄉導

下營斥候并防捍及分布陣

先據要地及水草

議水泉隔山取水越山渡險

據倉廩

孫子曰絕斥澤唯亟去無留

斥鹹鹵之地水草浸如不可處軍也

